



Նարեկ Սարգսյան

Առյուծն ու նապաստակը

Առյուծը, հպարտորեն գլուխը վեր պարզած, զբոսնելիս հանդիպեց
նապաստակին: Վերջինս հոնգուր-հոնգուր լաց էր լինում:

-Ի՞նչ է պատահել, նապաստա՛կ, ինչու՞ ես այդպես դառնագին լաց լինում:

-Ինչպե՞ս լաց չլինեմ, առյու՛ծ արքա: Լալիս եմ, քանի որ տխուր եմ ու
դժբախտ,-հեծկլտաց նապաստակը:

-Բայց ինչու՞ ես տխուր ու դժբախտ,-հետաքրքրությամբ հարցրեց առյուծը:

-Մտածում եմ, որ աշխարհն անարդար է, ինչու՞ ես պետք է թույլ և վախկոտ
լինեմ, իսկ դու՝ ուժեղ և համարձակ:

-Մխավվում ես, նապաստա՛կ, բնության մեջ ուժեղը և թույլը խիստ
հարաբերական են: Դու ևս ուժեղ կողմեր ունես, բայց դրանք անտեսում ես:

-Է~, ես ոչ մի ուժեղ կողմ էլ չունեմ,-տխուր ասաց նապաստակը:

-Ուզո՞ւմ ես ապացուցեմ, որ սխավվում ես: Հիմա պատասխանի՛ր հարցիս: Այն
գեղեցիկ ծաղիկը հեռվում տեսնո՞ւմ ես,-հարցրեց առյուծը:

-Այո՛, իհարկե,-պատասխանեց նապաստակը:

-Մեզանից ո՞վ ավելի շուտ կհասնի և կքաղի այն:

-Իհարկե ես: Ճիշտ է, դու էլ ես շատ արագ վագում, բայց ես քեզանից ավելի արագավագ եմ,-ուրախ-ուրախ ասաց նապաստակը:

-Իսկ եթե որսորդներ նկատենք, ովքեր կփորձեն մեզ սպանել, այդ դեպքում մեզանից ավելի շուտ ու՞մ կհաջողվի փրկվել նրանց ձեռքից:

- Ինձ, քանի որ բացի այն, որ արագավագ եմ, միաժամանակ շատ ճարպիկ եմ և այս ու այն կողմ վազելով՝ հեշտությամբ կարող եմ շփոթեցնել նրանց:

-Տեսնու՞մ ես, որ դու նույնպես ունես քո ուժեղ կողմերը և փոխանակ ուրախանաս դրանցով, դժգոհում ես ու լալիս: Ճիշտ է, դու ինձ պես ուժեղ և համարձակ չես, բայց քո

վախի օգնությամբ կարողանում ես ակնթարթորեն զգալ վտանգը և քո ճարպկության ու արագավագության շնորհիվ խուսափել դրանից՝ փրկելով քո կյանքը: Ես քո չափ այդքան արագավագ չեմ, բայց դրա համար չեմ տխրում, չեմ լացում, այլ կենտրոնանում եմ իմ դրական հատկանիշների և ուժեղ կողմերի վրա ու փորձում դրանցից առավելագույնս օգուտ քաղել: Նույնը և քեզ եմ խորհուրդ տալիս:

Առյուծի խոսքերը ոգևորեցին նապաստակին: Նա հասկացավ, որ սխալ է կենտրոնանալ սեփական թուլությունների և թերությունների վրա, այլ պետք է կյանքին լավատեսորեն նայել, կենտրոնանալ ուժեղ կողմերի վրա, ուրախանալ իր առավելություններով և, ամենակարևորը, հպարտանալ դրանցով: